

INUIT ATAQATIGIIT INATSISARTUNI



UPA2022/036

17. maj 2022

Adam Kristensen

Qanoq iliorluta nunatsinni inuussutissarsiutigalugu piniartut qilalugartaasa neqaannik pisortat ingerlataasa atuinerusinnaanissaat qulakkeerneqarsinnaanersoq pillugu Inatsisartut apeqqutaat aallaavigalugu oqallisigisassatut siunnersuut.

(Siumup Inatsisartunut ilaasortaaitai)

Oqaluuserisassatut siunnersuut Inuit ataqatigiinni soqutiginarput tiguarpur partiit tamatta isumaqatigiissutigunarpurput piniakkanik atorluanerunissaq, qilalukkat neqaat eqqarsaatigissagaanni neqerpassuit atunngitsoorneqartarput ullumikkulli periarfissaqarani qilalukkat neqaannik tulaassiviusinnaasunik qilalugaqarfiit eqqarsaatigalugit.

Qilalukkap neqaa atorluarneqassappat pisariaqarpoq tulaassivissaqarnissaq peqqinnissaq eqqarsaatigalugu akuerisaasumik, kikkut tulaassivissamik pilersitsissappat?

Pisortat pilersitsinissaat ajornarpoq pissutigalugu niuernerummat.

Periarfissaqareerporli piginnaasallit pilersitsisinnaaneranik.

Una maluginiagassaavoq piginnaasallit pilersitsiniarnissamut periarfissaqarnerummata, inuiaqatigiit kalaallit ilarpassui pilersitsinissamut piumassuseqaralarput piginnaasaqannginnertillu nangiarnaralugu uniinnartarlutik. Taamatununa inissimasut suliffimmik pilersitsisinnaasunngorlugit ikiorniarigut, piumassuseq nukiummat.

Kommunit tamarmik inuutissarsiornermut siunnersorteqarput taakkua atorluarnerusariaqarpagut.

INUIT ATAQATIGIIT INATSISARTUNI



Aqqutissatut innersuunneqarsinnaasoq tassaavoq, innuttaasoq kinaluunniit kommunimut anngussisinnaasoq ikioqqullunilu, suliassarlu tamanna kommunip akuerippagu qinnuteqartoq peqatigalugu ingerlanneqalissaaq, inuutissarsiornermut pisortaqarfimmi siunnersortimik pilersinniakkamut naapertuuttumik ikiorneqarluni.

Ukiut kingullit ukiaanerani qilalukkat qaqortat kujammut ingerlaartarnerat kingusissukkat pisalernikuuvoq, tamatumalu kinguneranik mattaat neqerpassuillu iluaqutigineqanngitsoortarput ilaatigut umiarsuakktu nassiussivissaq kingoqqullugu pisaqartoqartarmat.

Tunumilu qilalugarniarfiit eqqarsaatigalugit ungasissorsuarmut qilalugarniarfeqarnerat peqqutigalugu qilalukkat neqaat tamaasa angerlaannissai ajornakusoortarpoq, piniartut umiatsiai ima angitigineq ajormata allaat qilalukkap neqai tamaasa angerlamut apuussinnaallugit. Immap peqqarniissinnaasarnera, orsussap userisinnaasaq killeqarsinnaasarneri, tamakku tamaasa eqqarsaatigalugit piniartup naammattusaarineq ulluinnarsiutigisaramiuk.

Ilaqutariit imminnut pilersornermikkut atorluartagaat neqinik aalisakkanillu panersiisarneq aqqutissiuutassat ilagisariaqarpaat.

Inuit Ataqtigiiinni neriutigaarput qilalukkat neqaasa tulaanneqartarfissaannik pilersitsisoqassappat tamatuma aamma kinguneriumaaraa piniakkat allat puisillu neqaasa tulaanneqartarnissaannik periarfissiinissaq, taamatut oqaaseqarluta siunnersuut toqqammavigalugu pilersitsiniarnissamut peqataassaagut.